

EXAMINATIONS COUNCIL OF ZAMBIA

Examination for General Certificate of Education Ordinary Level

Kiikaonde

3149/2

Peepala wa bubiji

Wednesday

9 AUGUST 2017

Biintu bikwaabo bikebewa:

Tumabuuku twa kuneembamo miikuumbu

Kimye: Ma awala abiji [2]

Miikaambizho ya kuloondela babeena kuneemba lweeseko:

Neemba jiihina joobe, naambala yoobe ne naambala ya pa mpuunzha po ubeena kuneembela lweeseko mu bipeenze byaapeewa mu tumabuuku twa miikuumbu.

Uno peepala uji na bibese bina (4).

Kuumbula meepuzho oonse aji mu uno peepala.

Uneembe miikuumbu yoobe mu tumabuuku twa miikuumbu to waapeewa.

Umwwe miikuumbu yoobe ya kolomona tumabuuku twaavula, kyaawaama kulamaankanya tumabuuku toobe toonse pamo.

Utaange miikaambizho ya neembewa kubushiiya bwa uno peepala pamo na meepuzho.

Lubuulaañano lwa babeena kuneemba lweeseko:

Buvule bwa tukato bwaapaanyiwa mu tuzhiko [] kuunsa ya kipeepala pa jiiipuzho ne jiiipuzho.

Malaamyia kechi aaswiishiwa mo mubeena kuneembela mpeso ine.

1 KIBESE KITAANSHI – NTUUNTULWIILO

[TUKATO 20]

Tuuntulula kino kibaaba kufumya mu kizuungu kutwaala mu Kiikaonde.

The happiest moments of our lives come when we accomplish something that we never expected. The unexpected, however, to be appreciated, should be the resultant of our personal efforts. I remember when I was still in Grade 10 how I used to fail in all the subjects. In Grade 11, my performance became ever worse such that there was no single subject that I got above 50%. I was never free to mingle with my peers especially when I would bring in school related stores.

It was during the December holiday that I sat down and reflected. I thought about how my parents had suffered and sacrificed a lot just to see me forge ahead with my school. This was my turning point. I could not wait for schools to re-open. My final year surprised many. Both the teachers and my fellow learners were very amazed at my performance. Here I am studying medicine at University of Zambia (UNZA).

2 KIBESE KYA BUBIJI: NGIPIPIHILO

[TUKATO 20]

Taanga jiishimikila jaapaanyiwa ne kwi jiiipisha pakachi ka byaambo makumi ataanu na asatu (80) ne kitoota kimo ne makumi abiji (120).

Mu Buukaonde, mwaanamukazhi kwimita ke lufu lwa peepi. Peekala kwaakamwa amba kana ukasampuluka buloongo waashajilapo nyi anyi kana ine. O ene maambo ekeela kwikizha kyeefu umvwe waimichile wapaapatu buloongo.

Mavumo emichiwa aji mu mituundu yapusana pusana. Kutendekelapotu kuji jivumo jiiimita kashilu. Uno ke nsongwakazhi ukyangye kufika ku kutendeka kuzhila noondo ine. Bano kana ke beene banabakazhi babishiimina mino baamuyuuka amba waimana mu lubanza. Maambo ne aye mwiine kashilu javula kechi uyuuka amba waneema pa muchima ine. Na maambo a kuuba ukyaangye kukisemapo kala mu jiishinda mulupukila baana mwanji kechi mwabaya buloongo ine. Naanchi bano kushajilapo kana waaya ku kipateela na kumusaaya ne kupakulamo mwaana. Jiimi ja kwimita kwakubula kutendeka kuzhila beejiteela amba jivumo ja katangwa.

Jivumo jikwaabo jileeta lukatazho pa kupaapa ne kubiika wijiimita mu kizumba ke ja kutoolelwa nkatulo naangwa ja nkila. Kusampulukatu buloongo poso mwiine wamutoolele nkatulo waamukasulula. Inge ine, utaayika. Kizumba kya nkila akyo kiiya umvwe mwanamukazhi waimita uji na mulume waapeelele kumatako kimye kyaimichile mukazhi naangwa inge mwiine waimita waapeelele kumatako; ko kuuba amba waalaajile na baanabalume baavula.

Ku baanabakazhi baapeeshiwa na lusemo, aye Lesa Shakapanga Mwaala kupala waabujile kuvulama wiibapeele kaanya ka myaka ibiji ituuntulu mino waakemita kuchiina kwibaleengela kusema lubuchi ne kukonyangeezha baana bakwaabo bakyamwa na buuse. Naangwa byonkabyo, mapuso mu bamo amweeka. Mwaana ukyaamwa pa maboko jikwaabo jamweeka! Ko kuuba amba jiimi jaimichiwa kwakubula kuteendeka kuzhila panyuma ya kupaapa ine. Jiivumo ja kwiimita mu ye uno musaango jiteelwa amba jiivumo ja kivunge.

Kabiji kuji beamon a kuseesula aku; wiimitatu mwaane ne muzema wa muyayila wa tuunselensele wa tuubikola kwaaleetwa. Apa mwaana beene wi patookoloka wi payaako. Bamo kukeba kuja kajo ine kana maloba a makena naangwa a ku kyuulu. Bakwaabo bakolwa muyaayila wa mutwe, muchima naangwa kupita mashi naagwa meema. Jaavula mavumo aji na ano makatazho azukukamo. Inge waakafika kupaapa, waapaapatu buloongo, bamba amba waaji na jiivumo ja jiishuko. Pa bano po paji ne booba bapaapa jaavula kimye kya kupaapa kasa kikyaangye kufika ne, naangwa booba baji na kisoonso kya kupitayila pa noondo wa kupaapilamo.

Jikwaabo ke ja kutoola. Jino ke jiivumo jiteelwa amba jaabula shaajo. Jino ke jiivumo ja bukeende kabiji kimo kimye jitaanyiwa mu kizumba kya nkila. Ne jaapelaako ke jooja jiimichiwa kabiji kwaakubula lukatazho ine, jiikala kwa matwi nzoo ne byo apaapa kwaakubula mubiinzo naangwa umo ine. Jino jiteelwa amba jiivumotu.

Jiipuuzho

Mu byaambo pakachi ka makumi ataanu na bisatu (80) ne byaambo kitooto kimo ne makumi abiji (120), ipipisha kibaaba kyo wataanga mo usa kulondolola mituundu ya mavumo.

3 KIBESE KYA BUSATU: KUTAANGA NCHIKAMEENO [TUKATO 30]

Taanga jino jiishimikila ne kukuumbula meepuzho aaloondelaapo MASOONGOLA

Juuba jimo Mwaau waanyamukile na mukazhaanji kuya kwi Juuba amba bakamupiingule muteengo waakufweeta pa muchi ye baamupeele ne pa kubukiwa kwaanji.

Kuumvwa Juuba amba, "Naasaanta byo wiifuukwiila kwiiya kuno amba nkupiingule muteengo wa kupaana pa muchi ye naakupeele, ao waakuleengela kubukiwa ku kikola kyo waajiinga naakyo, kabiji ne pa kuyuuka amba naakuubila kiintu kikataampe biingi. Waaayuuka nkasaami, buumi bwaaneema. Kafwaako kiintu kyaaneema kukila buumi, maambo kafwaako naangwa kumo ko waakoonsha

kwiibupota. Kwaakubula amiwa, obewa umvwe waafwiile kala. Bino kaange waakamwe amba mbeena kukukuunka muteengo ye usa kukaankalwa kupaana ine. Nsa kukweesakeenyaatu moonka mwaayiila buyaanji bwoobe. Pano teeledesha uumvwe muteengo yensa kukutoongweela. Naasaka kukupeezhelako muteembo. Naachi loonka luno naaseendelamo yiiwe mwaanamukazhi. Pano kufuma ja leelo, kechi ke mukazhoobe ine, ke waami. Fuma ne paapo uyeenga kweenu.”

Mwaau waalupukile mu jilapa jaakwa Juuba kubweela pa muzhi paabo na maankuumbwa ku mutwe weenda ujila jiibiingo. Kwaashaajile Juuba, waasoongola muka **mubukwa** waanji; waayikala ne na bakazhi bataanu na umo. Kafwaako muuntu naangwa umo mu yooya mpuunzha waasekejiilemo mu kyaabile kituumbafumo Juuba ine. Boonse baamutopekele amba, “Ntaangi wa musaango ka wiizoozola biibye, waabula kuneemeka bakwaabo baantu.”

Mwaau waanyamukile kuya mwaaya nnyauunda eenda upaapaala na kukeba bwaanga. Waakafikile kwa Bwiingi, ako ko ataayine sheetu umo **shikelemi** wa pa katele. Akwa, Mwaau baamupeele mwiingilo wa kujima kwi yeewa sheetu. Byo aapwiishishe kujima kikoonaanyi kyo baamupeele, awa sheetu waamupaanjijiile Mwaau bwaanga bo aakebeleenga. Bwaajiinga buta bwa ku maleele. Ne kubweela waabweelele kwaabo kishiinshitu.

Kabiji mu oonka o mooba, Kituumbafumo Juuba waakashile lweendo lwa kuya na kupeempula bijibi byaajiinga mu nnyauunda yaanji. Waapeempwiiletu bijiji byoonse mu muteende ne kubweela kwaanji. Waafikile mu jilapa jaanji pa kina lukeelo ne baakumwiimuna baapwijiile. Kabiji noobe mu kukopa jiso, baakoonkeenye bileo byoonse bya maalwa o baamuteengejiile. Baaubile kila mukazhi ne mukazhi waaleeta kileo kya maalwa o aayipwiile. Bazha ke kwiibilupula paangye ya jilapa kwiibitwaala ku bushiia bwa kyuulu. Kuno kooko baatomenaanga bimye byaavula.

Byo baatomeneenga, Mwaau **waayishile katweezhimina** na kusuumbila ne na kumona umvwe kyaajiinga kiine Juuba waabweelele naangwa ine. Kabiji byo aasuumbijileeko waamumweene **kilumenaanji** kasa aayikala ubeena kwiilalumwiina mapaanda a maalwa. Mwaau waabweelele kwaanji kuya na kushiinjila buta bwaanji bwa ku maleele.

Bufuku baantu baapalaaneene kuya mu mazubo aabo na kulaala. Aye Juuba waakalaajile mu nzubo ya mukazhaanji waakataataaka yeenka ye a angachile kwi Mwaau. Kabiji pakachi ka bufuku, Juuba waalupukile paangye **na kutaaya nsoonso**. Aku upwiishaatu kutaaya nsoonso pano amba asakeengatu kubweela mu nzubo, waaumvwa kyaateematu te-e! kiintu kyaamwaasa mu kyaaji.

Poonkaapo waapona ne paanshi, kaantu! Wa amba ne mwiine amba, "Yaa! Atweela Juuba pano kyaapwa kechi tukasaamapo jibiji pa ntaanda ine."

Baantu byo baaubile amba bamushikule bamutwaale mu nzubo aye wiibabuujiile amba bamutwaale mu kiinzaanza. Naanchi baamutwaajile mu kiinzaanza kweesakanya na kukeba kwaanji. Aku bamufikizhaatu moomwa, waatatula kulasa mashi ne kusulwiilatu mubiji yeense uba noobe baamwiichila meema. Akya kyaaba amba kitwaleengatu ku shikoombwe waabubiji, poonkaapo aye **waanyaanta mu mweemba.**

Uno muuntu baamuzhiikile juba jaaloondejiilepo.

Baantu byo baapalaaneene pa byooto, baloongo baakwa Juuba baayiile mu baaanaanga na kupoongesha amba bayuuke kyaafwiileeko muloongo waabo lufu lwa kubazhimukilatu. Kabiji koonse ku baaanaanga basatu ko baakapoongeshe, baakebabuujiileengakotu sawaakya umo waakuuba amba, "Kituumbafumo Juuba wiyipayiishe mwiine na bwiitoote bwaanji. Amba aye baamwiipayile na buta bwa ku maleele kwi mubukwa waanji aye Mwaau, awo ye aavutwiile mukazhi wa jiizhina ja Komiisa."

Pa kufuma mu baaanaanga, baloongo baakwa Juuba boonse baanyike ne bakuluumpe, baanabalume ne baaabakazhi baapwijiile pamo na kwiibuula byo baakapoongeshele ku baaanaanga boonse basatu ne kufuukulapo bya kufwaayinwa kuuba. Byoonkaabyo ne yeewa sawaakya waapa lufu lwa muloongo waabo ye baakebabuujiile ku booba boonse baaanaanga basatu ko baayiile waabuujiiwe ku boonse baamu kisemu.

Byoonkaabyo kwaajiinga **masaansawiilo** a bwaanga kufuma mukachi kaabo. Bamo ba ambileenga amba nabo basa kukaya na kukeba bwaanga bakeepayeko Mwaau. Bakwaabo amba bakamwiita Mwaau ne kumupaamo maambo a kwiipaya muloongo waabo kabiji ne kutoongweelwa biintu bikataampe bya kwiibafuta. Bakwaabo naabo amba abo bakaya mu jiiisaka na kukeba bichi ko baamupooyeejiile muchi aye Mwaau, amba bakapumeko mupinyi kikola kyaanji kikamubweelele.

Bino mu kuchibila maambo mo aolokeejiile, ba Kapilili pamo na makalala akwaabo a mu kyookya kisemi baambile amba, "**Muloongo weetu Juuba wiyipayisha mwiine**". Waaubile kilubo pa kwaangata muka mwaanyike. Uno mwaanyike mwa kumupeela maambo atweeba tufwaamo. Muloongo weetu uji pamo na **ngulube waafwa ku kitaamba**. Kakuji naangwa umo ukoonsha kupaamo maambo yeewa mwiina bujimi umwiipaya ine, maambo aye uviimbila bujimi bwaanji.

Meepuzho:

- 1 Kitumbafumo Juuba wajiinga na bakazhi baanga saka akyange kusongwelapo Komiisa? [2]
- A Bataanu
 - B Bataanu na umo
 - C Umo
 - D Bana
- 2 Maambo ka Mwaau ayijile kwi Juuba amba bamupingule maali a kufweeta? [2]
- A wajinga naanji na nkongole
 - B wamupeelee muchi wamubukile
 - C wa muleengele maambo
 - D wa mubilengatu "Mwenyi sunsa buta"
- 3 Mwaau wakankelwe kwijizhanya pa kumutaambula mukazhaanji maambo [2]
- A Kechi wajipo na kikwaabo kya kupaanako kyafikilaamo ine.
 - B Wachiyineenga kumwipaya.
 - C Kechi wajipo na baakumulwiila ine.
 - D Juuba wajinga kitumbafumo wachinyiwanga.
- 4 "Kitumbafumo Juuba ne baantu baanji baatomeneenga ku bushiya bwa kyuulu maalwa o bamutengejiile." Nanyi muuntu utengelwa? [2]
- A wafwilwa
 - B wa fumineepo, ke abwele
 - C mwina muzhi
 - D wa kanama
- 5 Kika kyalengejiile Mwaau kuya katwezhimina na kusumbila kwatomejiileenga Juuba maalwa na baantu? [2]
- A Maambo wasakile kutoma naabo maalwa
 - B Maambo kechi wasakile kumumona kwi Juuba ine
 - C Maambo wasakile kumona inge Juuba wabwelele nangwa ine
 - D Maambo wasakile kumona byatomeneenga bantu maalwa
- 6 Kyaitabizhiwa ku baantu bafiita amba mulozhi kechi wakonsha kulowa muuntu kyatuutu ine, poso paikalapo kantu kamo na yeewo muuntu. Akano "kantu" ko kaka? [2]
- A Kyanzwe
 - B Kasaanza
 - C Bulunda
 - D Muchi

- 7 Ponkapo aye **'waanyaanta mu mweemba.'** Ñanyi nzhokelo ya ñambilo yino? [2]
- A Ñambilo
 - B Nsendekelo
 - C Mbengakanyo
 - D Mapinji
- 8 Baloongo ba kwa Juuba bayile mu bañaanga na kupoongesha bya lufu lwa muloongo waabo maambo _____ [2]
- A kechi bamulangulukijiile amba wafwainwa kufwa ine
 - B bazhingijile
 - C baakebele kubwezha kishole
 - D lufu lwanji lwaji lwa kubazhimukilatu
- 9 Mulwany wakilamo kukanama bamuteela amba ... [2]
- A wizoozola
 - B shikelemi
 - C wapaanda
 - D wingi
- 10 Kutaya nsonso ke ... [2]
- A kutaya biswaswa
 - B kuya na kusukula
 - C kulenga maambo
 - D kupulumuna
- 11 **"Byonkabyo kwajinga masansawilo a bwaanga kufuma mukachi kaabo."** Anga masansawilo a bwaanga o aka? [2]
- 12 Anga maambo ka baloongo bakwa Kitumbafumo Juuba kyo baesakeenya pamo lufu lwa muloongo waabo na ngulube wafwile mu bujimi bwa beene?. [2]
- 13 Mwayila byo wayuka, ku ñanyi kije kya maambo kwakoonsheshe kutootolwelwa ne kumupaamo maambo Mwaau pa kyo aubile, kabiji toongolaapo lumanyiko lubiji lobapa booba baantu bo bafwiisha na maambo a yewa musaango. [2]
- 14 Neemba lufuunjisho luji mu jino jiishimikila [2]
- 15 Mwayila jishimikila jo wataanga, ñanyi kiintu kyabingishe mwaau mu ano maambo [2]

Kuumbula meepuzho ano aapaanyiwa

- 1 Kuji byaambo bibiji bileenga kyaambo kimo kiteelwa amba kiintu myuuba. Abanya bino **biintu-myuba** mu byaambo mo byafuma.

Kimwesho:

Inakasomona → *ina + kasomona*

- (a) Mwanamulume → [2]
(b) Bipaangwantanda → [2]
(c) Mwendansono → [2]

- 2 Leenga biintu kufuma ku bino byubilo

Kimwesho:

Kulajika → *ndajikilo*

- (a) Kuseka → [2]
(b) Kunemba → [2]
(c) Kujila → [2]

- 3 Neemba **bibweluluzhi** byafikila mu bino **bipelu**:

- (a) Baana basukulu byo baamwene bookwe baanyemene _____ [2]
(b) Twamonatu mujilo ne bwishi _____ [2]
(c) Byo baashetelwe beeponejiileengatu _____ [2]

- 4 Santaula bino byaambo mwayila bibese bya náambo:

Kimwesho:

bakalaala → *ba-ka-laal-a*

- (a) tukapaasa → [2]
(b) mukapota → [2]
(c) nkatema → [2]

- 5 Neembulula bino bipelu mwayila mikaambizho:

- (a) (i) Ba maama kechi baja make ine.
(ii) **Teendeka:** Make [2]
(b) (i) Bakuluumpe naabo naanchi beemba noma.
(ii) **Teendeka:** Naachi noma..... [2]
(c) (i) Mapeesho aleeta muneema.
(ii) **Teendeka:** Muneema..... [2]

Mpelo

gidemy.com